



## XUNTA DE GALICIA

CONSELLERÍA DO MAR  
Dirección Xeral de Ordenación e  
Xestión dos Recursos Mariños

Rúa do Valiño 63-65 – San Lázaro  
15703 SANTIAGO DE COMPOSTELA  
Teléfono 981 54 40 07 – Fax 981 54 50 25



XACOBEO 2010  
Galicia

# RESOLUCIÓN DO 27 DE DECEMBRO DE 2010 DA DIRECCIÓN XERAL DE ORDENACIÓN E XESTIÓN DOS RECURSOS MARIÑOS POLA QUE SE APROBA O PLAN DE XESTIÓN INTEGRAL DA RESERVA MARIÑA DE INTERESE PESQUEIRO “OS MIÑARZOS” PARA O ANO 2011.

## Antecedentes

O 17 de outubro de 2010, a coordinación da reserva de “Os Miñarzos” remite a esta Dirección Xeral a proposta do Plan de Xestión Integral para o ano 2011 trala consulta realizada aos pescadores e mariscadores incluídos no censo da reserva.

Xunto co Plan de Xestión Integral foi remitido un resumo do informe anual do equipo de seguimento científico.

A Dirección Xeral de Ordenación e Xestión dos Recursos Mariños convocou ao órganio de xestión, seguimento e control da RMIP “Os Miñarzos”, achegando aos seus vogais toda a documentación necesaria para a valoración da proposta do Plan de Xestión Integral, cuxo debate e valoración era o tema do punto 3º da orde do día.

O día 9 de novembro de 2010 reuniese o órganio de xestión, seguimento e control da reserva mariña de interese pesqueiro “Os Miñarzos” para, entre outros temas, valorar e informar a proposta do Plan de Xestión Integral. Tras a lectura, debate e introdución de modificacóns puntuais no documento, acordouse informar favorablemente o texto final para a aprobación pola Dirección Xeral de Ordenación e Xestión dos Recursos Mariños.

Así mesmo, o departamento territorial da Coruña achegou o día 18 de decembro os correspondentes informes favorables das relacións de embarcacións e mergulladores que participarán no Plan de Xestión da reserva nas modalidades de mergullo en apnea e mergullo con subministro de aire dende superficie.

## Consideracións técnicas e legais

O día 7 de outubro foi presentado o Informe Anual do Seguimento científico da reserva de “Os Miñarzos”.

Na reunión do órganio de xestión, seguimento e control, mantida o día 9 de novembro de 2010, o equipo de seguimento científico da reserva emitiu a súa valoración sobre as medidas técnicas a establecer no ámbito da reserva e das posibilidades de pesca dentro dos límites desta para o ano 2011.

O artigo 6 bis do *Decreto 87/2007, do 12 de abril*, modificado polo *Decreto 240/2008, do 2 de outubro*, polo que se crea a reserva mariña de interese pesqueiro Os Miñarzos, recolle que:



XUNTA DE GALICIA

CONSELLERÍA DO MAR  
Dirección Xeral de Ordenación e  
Xestión dos Recursos Mariños

Rúa do Valiño 63-65 – San Lázaro  
15703 SANTIAGO DE COMPOSTELA  
Teléfono 981 54 40 07 – Fax 981 54 50 25



XACOBEO 2010  
Galicia

"1. As actividades recollidas nas letras a), b), c) e d) do artigo 5 do Decreto 87/2007, desenvolveranse no marco do Plan de Xestión Integral aprobado para esa área, no que se recollerán as medidas específicas para cada unha das pesqueiras e zonas dentro da reserva.

2. O Plan de Xestión Integral será aprobado pola Dirección Xeral de Recursos Mariños, logo de informe do órgano de xestión. A proposta do Plan será elaborada polas entidades asociativas que representen aos pescadores e mariscadores incluídos no censo da reserva.

4. No Plan de Xestión Integral poderán recollerse medidas e/ou normas distintas ás establecidas nas disposicións regulamentarias, co obxectivo de adoptar as medidas de explotación necesarias que permitan conseguir unha explotación racional dos recursos pesqueiros e marisqueiros na reserva."

O artigo 9º do *Decreto 87/2007, do 12 de abril*, modificado polo *Decreto 240/2008, do 2 de outubro*, refire as funcións do órgano de xestión, seguimento e control, entre as cales consta:

"i) Emitir informe sobre o Plan de Xestión Integral".

O *Decreto 87/2007, do 12 de abril, modificado polo Decreto 240/2008, do 2 de outubro*, a través da súa disposición adicional terceira, habilita á consellería competente en materia de pesca para ditar medidas de xestión para a extracción de determinadas especies, así como aprobar plans experimentais para a utilización de determinadas artes ou aparellos de pesca en función dos informes técnicos sobre a evolución e o estado da reserva mariña.

Segundo artigo 6 do *Decreto 312/2009, do 28 de maio*, polo que se establece a estrutura orgánica da Consellería do Mar, correspondelle á Dirección Xeral de Ordenación e Xestión dos Recursos Mariños "as competencias sobre ordenación pesqueira, tanto de carácter profesional como recreativo; ordenación do marisqueo e da acuicultura; establecemento das condicións para o exercicio das actividades pesqueiras, marisqueiras e de acuicultura mariña; conservación, protección e xestión sustentable dos recursos mariños".

Así pois, á vista dos feitos e das consideracións técnicas e legais, esta Dirección Xeral **resuelve**:

**Aprobar o Plan de Xestión Integral para a reserva mariña de interese pesqueiro de "Os Miñarzos", que figura coma anexo a esta resolución, e que entrará en vigor o día 1 de xaneiro de 2011.\***



XUNTA DE GALICIA

CONSELLERÍA DO MAR  
Dirección Xeral de Ordenación e  
Xestión dos Recursos Mariños

Rúa do Valiño 63-65 – San Lázaro  
15703 SANTIAGO DE COMPOSTELA  
Teléfono 981 54 40 07 – Fax 981 54 50 25



XACOBEO 2010  
Galicia

Contra esta resolución, que non esgota a vía administrativa, poderá interpoñerse recurso de alzada no prazo de un mes, contado desde o día seguinte ao da súa notificación, ante a conselleira do Mar de conformidade co dispuesto no artigos 114 e 115 da *Lei 30/1992, do 26 de novembro, de réxime xurídico das administracións públicas e do procedemento administrativo común*.

Santiago de Compostela, 27 de decembro de 2010  
O director xeral de Ordenación e Xestión dos Recursos Mariños

Pablo R. Fernández Asensio

\* Este Plan de Xestión Integral estará dispoñible nas paxinas web:  
[webpesca.xunta.es](http://webpesca.xunta.es) e [pescadegalicia.com](http://pescadegalicia.com).